

**Datganiad Busnes drafft ar gyfer y 3 wythnos nesaf a Phenderfyniadau'r Dirprwy Lywydd ar gyfer dydd Mercher 7 Chwefror 2007**

**Penderfyniadau**

Yn dilyn cyfarfod y Pwyllgor Busnes a gynhaliwyd ar 6 Chwefror, penderfynodd y Dirprwy Lywydd, yn unol â Rheol Sefydlog 24.6, nad oes angen cyfeirio'r eitemau deddfwriaeth canlynol i bwyllgor pwnc ar gyfer ystyriaeth estynedig:

**Rheoliadau Corfforaethau Addysg Bellach (Cyhoeddi Gorchmynion Drafft) (Cymru) 2007**

**Rheoliadau Awdurdodau Lleol (Addasu Cyfrifiadau Angenrheidiol) (Cymru) 2007**

**Rheoliadau Ymchwiliadau Lleol, Ymchwiliadau Cymwys a Gweithdrefnau Cymwys (Swm Dyddiol Safonol) (Cymru) 2007**

**Gorchymyn Traffig Ffyrdd (Ardal Barcio a Ganiateir ac Ardal Barcio Arbennig) (Sir Gwynedd) 2007**

**Rheoliadau Plant (Perfformiadau) (Diwygio) (Cymru) 2007**

-

-

## **Y Datganiad Busnes Drafft**

**Dydd Mawrth 13 Chwefror a dydd Mercher 14 Chwefror 2007**

***Toriad Hanner Tymor 19-23 Chwefror 2007***

**Dydd Mawrth 27 Chwefror a dydd Mercher 28 Chwefror 2007**

## **Dydd Mawrth 6 Mawrth a dydd Mercher 7 Mawrth 2007**

### **Dydd Mawrth 13 Chwefror 2007**

- **Cwestiynau i Brif Weinidog Cymru (45 munud)**
- **Y Datganiad Busnes (10 munud)**
- **Datganiad gan Y Prif Weinidog: Newid Hinsawdd (30 munud)**
- **Datganiad gan Y Gweinidog dros yr Amgylchedd, Cynllunio a Chefn Gwlad : Sustainable Buildings (30 munud)**
- **Cynnig i gymeradwyo o dan Reol Sefydlog 24.25 (1 munud)**

#### **Ø Rheoliadau Cyfrifon ac Archwilio (Cymru) (Diwygio) 2007**

Gwneir y Rheoliadau hyn i ddiwygio Rheoliadau Cyfrifon ac Archwilio (Cymru) (Diwygio) 2005 er mwyn adlewyrchu'r newid sylweddol o safbwynt cyfrifydda ar gyfer y flwyddyn sy'n diweddau ar 31 Mawrth 2007. Byddant yn ei gwneud hi'n ofynnol i awdurdodau lleol gwblhau gwahanol ddatganiadau cyfrifyddol ac mae eisoes wedi'i adlewyrchu yn y Datganiad o'r Arfer a Argymhellir: Cod Ymarfer ar gyfer Cadw Cyfrifon Awdurdodau Lleol yn y Deyrnas Unedig a gyhoeddwyd ar 15 Mehefin 2006. Mae'r Datganiad o'r Arfer a Argymhellir yn nodi'r drefn gyfrifydda a'r datgeliadau ar gyfer holl drafodion arferol awdurdod lleol ac yn nodi'r arferion cyfrifydda priodol sy'n ofynnol ar gyfer y Datganiadau Cyfrifon, yn unol ag adran 21(2) Deddf Llywodraeth Leol 2003. Mae'r newidiadau yn cynnwys sefydlu Cyfrif Incwm a Gwariant yn lle'r Cyfrif Refeniw Cyfun, Datganiad o Gyfanswm yr Enillion a'r Colledion Cydnabyddedig yn lle'r Datganiad o'r Holl Symud yn y Cronfeydd Wrth Gefn a Mantolen yn lle'r Fantolen

Gyfunol.

Bydd y gwelliant i Reoliadau 2005 yn sicrhau eu bod yn cydategu'r Datganiad o'r Arfer a Argymhellir pan ddaw awdurdodau i gwblhau'r cyfrifon blynyddol ar ddiwedd y flwyddyn ariannol.

### Ø **Rheoliadau Bwydydd Brysrewedig (Cymru) 2007**

Mae'r Rheoliadau hyn yn berthnasol i ddarpariaethau gweinyddu a gorfodi Rheoliad y Comisiwn 37/2005 ar fonitro tymereddau wrth gludo, wrth eu rhoi mewn warws ac wrth gadw Bwydydd Brysrewedig (QFF) y bwriedir eu bwyta gan bobl. Golygir wrth Fwydydd Brysrewedig (QFF) gynnyrch bwyd sydd wedi bod drwy broses a elwir yn "frys-rewi". Yn ystod brys-rewi, caiff y pwynt o grisialiad eithaf ei gyrraedd mor gyflym ag sy'n bosibl, gan ddibynnu ar y math o gynnyrch. Rhaid i Fwydydd Brysrewedig hefyd ddwyn label yn nodi ei fod wedi cael ei frys-rewi at ddibenion gwerthu. Mae ffa a sglodion a baratoir yn y popty yn enghreifftiau o Fwydydd Brysrewedig. Fodd bynnag, nid yw Bwydydd Brysrewedig yn cynnwys hufen iâ nac unrhyw fath arall o iâ bwytdwy.

### Ø **Rheoliadau Hylendid Bwyd (Cymru) (Diwygio) 2007**

Mae'r Rheoliadau hyn yn diwygio Rheoliadau Hylendid Bwyd (Cymru) 2006 drwy ddiweddarau'r diffiniadau ar gyfer rhai Offerynnau Cymunedol y cyfeirir atynt yn y Rheoliadau hynny. Darperir pwerau gorfodi mewn perthynas â Rheoliadau Hylendid Bwyd yr UE a'r darnau cysylltiedig o ddeddfwriaeth weithredol a throsiannol.

### • **Rheoliadau Cynhyrchion sy'n Dod o Anifeiliaid (Mewnforion Trydydd Gwledydd) (Cymru) 2007 o dan Reolau Sefydlog 25 rhan 3 a 24.25 (1 munud)**

Mae'r Rheoliadau hyn yn gweithredu Cyfarwyddeb y Cyngor 97/78/EC (gan bennu'r egwyddorion sy'n llywodraethu'r gwaith o drefnu gwiriadau milfeddygol ar gynhyrchion sy'n dod i mewn i'r Gymuned o drydydd gwledydd). Mae'r Rheoliadau hyn yn mynnu bod cynhyrchion sy'n deillio o anifeiliaid a gaiff eu mewnforio o drydydd gwledydd, sy'n destun Cyfarwyddeb y Cyngor 97/78/EC, yn cael eu cyflwyno i Fan Archwilio cymeradwy ar y Ffin ar gyfer archwiliad milfeddygol er mwyn sicrhau bod y cynnyrch yn cydymffurfio â'r gofyniad

mewnforio perthnasol.

Cyflwynwyd y Rheoliadau sy'n gweithredu'r Gyfarwyddeb hon am y tro cyntaf yn 2002, ac fe'u diweddarwyd yn rheolaidd, yn bennaf er mwyn cynnwys Penderfyniadau'r Comisiwn sy'n diwygio gofynion mewnforio'r Gymuned. Mae'r Rheoliadau hyn yn dirymu ac yn ail-ddeddfu gyda newidiadau i Reoliadau Cynhyrchion sy'n Dod o Anifeiliaid (Mewnforion Trydydd Gwledydd) (Cymru) (Diwygio) 2005.

### **Cynnig i gymeradwyo Rheoliadau Cynhyrchion sy'n Dod o Anifeiliaid (Mewnforion Trydydd Gwledydd) (Cymru) 2007 o dan Reol Sefydlog 25 adran 2 a Rheol Sefydlog 24.25 (1 munud)**

Mae'r Rheoliadau hyn yn gweithredu Cyfarwyddeb 97/78/CE y Cyngor (gan osod yr egwyddorion sy'n llywodraethu'r ffordd y trefnir gwiriadau milfeddygol ar gynhyrchion a ddaw i mewn i'r Gymuned o drydydd gwledydd). Mae'n ofynnol cyflwyno cynhyrchion sy'n dod o anifeiliaid i'w mewnforio o drydydd gwledydd, y mae Cyfarwyddeb 97/78/CE yn berthnasol iddynt, i Fan Arolygu Ffiniol cymeradwy ar gyfer archwiliad milfeddygol i sicrhau bod y cynnyrch yn cydymffurfio â'r gofyniad mewnforio perthnasol.

Cyflwynwyd y rheoliadau sy'n gweithredu'r Gyfarwyddeb hon yn 2002 am y tro cyntaf ac maent wedi'u diweddarau'n rheolaidd, yn bennaf i gynnwys Penderfyniadau'r Comisiwn yn addasu gofynion mewnforio'r Gymuned. Mae'r Rheoliadau hyn yn dirymu ac yn newid Rheoliadau Cynhyrchion sy'n Dod o Anifeiliaid (Mewnforion Trydydd Gwledydd) (Cymru) 2005.

### **• Cynnig i gymeradwyo Rheoliadau Cynlluniau Effeithlonrwydd Ynni Cartref (Cymru) 2007 (15 munud)**

Mae'r Rheoliadau hyn yn dirymu ac yn ail-ddeddfu gyda diwygiadau i Reoliadau Cynlluniau Effeithlonrwydd Ynni Cartref (Cymru) 2000. Maent yn ei gwneud yn bosibl i ddiweddarau Cynlluniau Effeithiolrwydd Ynni Cartref (HEES) yng Nghymru drwy ymestyn y mesurau sydd ar gael (ee, i gyflwyno gwres canolog a gynhelir gan lo i'r Cynllun) ac i ymestyn y grwpiau o gleientiaid sy'n gymwys i gael cymorth o dan y Cynllun.

### **• Cynnig i Gymeradwyo Gorchymyn Cynulliad Cenedlaethol Cymru (Dyddiad Cyfarfod Cyntaf y Cynulliad sydd wedi ei Gyfansoddi yn ôl Deddf Llywodraeth Cymru 2006) 2007 (15 munud)**

Mae'r Gorchymyn hwn yn pennu dyddiad cyfarfod cyntaf Cynulliad Cenedlaethol Cymru sydd wedi ei gyfansoddi yn ôl Deddf Llywodraeth Cymru 2006, yn dilyn etholiadau'r Cynulliad ym mis Mai 2007.

- **Dadl wedi'i henwebu gan Blaid Geidwadol Cymru (45 munud)**
- **Dadl am Adroddiad Blynyddol Comisiynydd Gwasanaeth Iechyd Cymru (45 munud)**

### Dydd Mercher 14 Chwefror 2007

- **Cwestiynau i Brian Gibbons, y Gweinidog dros Iechyd a Gwasanaethau Cymdeithasol (30 munud)**
- **Cwestiynau i Alun Pugh, y Gweinidog dros Ddiwylliant, y Gymraeg a Chwaraeon (30 munud)**
- **Cwestiynau i Bwyllgor y T (5 munud)**
- **Cynnig i Gymeradwyo Gorchymyn y Pwyllgor Cyflogau Amaethyddol (Cymru) 2007 (15 munud)**

Mae'r Gorchymyn hwn yn lleihau nifer y Pwyllgorau Cyflogau Amaethyddol a'r Pwyllgorau Cynghori ar Anheddau Amaethyddol o chwech, fesul sefydliad, i un. Y mae hefyd yn diwygio'r Gorchymyn Pwyllgorau Cyflogau Amaethyddol (Ardaloedd) 1974.

- **Cynnig i drafod y ddwy eitem a ganlyn gyda'i gilydd, ond gan gynnal pleidlais ar wahân (10 munud)**

- **Cynnig i gymeradwyo Rheoliadau Comisiynydd Pobl Hyn Cymru**

## **(Penodi) 2007**

Mae'r Rheoliadau hyn yn pennu'r trefniadau ar gyfer penodi'r Comisiynydd ac ar gyfer cyfnod y swydd, ynghyd â'r rhesymau dros ryddhau'r Comisiynydd o'i swydd yn gynnar. Maent hefyd yn pennu bod yn rhaid ystyried barn pobl hyn yn ystod y broses benodi.

### **• Cynnig i gymeradwyo Rheoliadau Comisiynydd Pobl Hyn Cymru 2007**

Mae'r Rheoliadau hyn yn rhoi'r pŵer i'r Comisiynydd archwilio achosion pobl hyn penodol yng Nghymru, ynghyd â'r pŵer i roi cymorth, gan gynnwys cymorth ariannol, i berson hyn sy'n cwyno am gyrrff penodol yng Nghymru neu sy'n anfon sylwadau atynt. Maent hefyd yn pennu'r trefniadau y mae'r Comisiynydd i'w gwneud o safbwynt ei berthynas â phobl hyn yng Nghymru, ynghyd â'r trefniadau a fydd yn gymwys i adroddiadau'r Comisiynydd.

## **Cynnig i drafod y ddwy eitem a ganlyn gyda'i gilydd, ond gan gynnal pleidlais ar wahân (10 munud)**

### **• Cynnig i gymeradwyo Rheoliadau Awdurdodau Lleol (Trefniadau Amgen) (Cymru) 2007**

Mae'r Rheoliadau hyn yn pennu swyddogaethau awdurdodau lleol nad ydynt i fod yn gyfrifoldeb i fwrdd, nad oes angen iddynt fod yn gyfrifoldeb i fwrdd neu nad ydynt i fod yn swyddogaethau i fwrdd yn unig (neu swyddogaethau gweithredol ar gyfer awdurdodau sydd â threfniadau gweithrediaeth). Maent hefyd yn cyflwyno diwygiadau i swyddogaethau awdurdodau lleol, yn arbennig y rheini sy'n gweithredu trefniadau amgen. Mae'r Rheoliadau hyn yn cydgyfnerthu'r Rheoliadau a wnaed yn flaenorol drwy ddisodli a dirymu Rheoliadau Awdurdodau Lleol (Trefniadau Amgen) (Cymru) 2001 fel y'u diwygiwyd. Byddant yn galluogi i gyfrifoldebau gael eu rhannu'n well a mwy o hyblygrwydd i lywodraeth leol. Bydd cyfuno rheoliadau technegol o'r fath yn rhoi dogfen gyfeirio haws ei defnyddio i awdurdodau lleol.

Gwneir y Rheoliadau hyn ar y cyd â Rheoliadau Awdurdodau Lleol (Trefniadau Gweithrediaeth) (Swyddogaethau a Chyfrifoldebau) (Cymru) 2007 sy'n cyflwyno diwygiadau i swyddogaethau awdurdodau lleol sy'n gweithredu trefniadau gweithrediaeth.

### **• Cynnig i gymeradwyo Rheoliadau Awdurdodau Lleol (Trefniadau**

## **Gweithrediaeth) (Swyddogaethau a Chyfrifoldebau) (Cymru) 2007**

Mae'r Rheoliadau hyn yn pennu swyddogaethau awdurdodau lleol nad ydynt i fod yn gyfrifoldeb i weithrediaeth neu nad oes angen iddynt fod yn gyfrifoldeb i weithrediaeth neu nad ydynt i fod yn swyddogaethau i weithrediaeth yn unig (neu swyddogaethau bwrdd ar gyfer awdurdodau sydd â threfniadau amgen). Maent hefyd yn cyflwyno diwygiadau i swyddogaethau awdurdodau lleol, yn arbennig y rheini sy'n gweithredu trefniadau gweithrediaeth. Mae'r Rheoliadau hyn yn cydgyfnerthu'r Rheoliadau a wnaed yn flaenorol drwy ddisodli a dirymu Rheoliadau Trefniadau Amgen Awdurdodau Lleol (Swyddogaethau a Chyfrifoldebau) (Cymru) 2001 fel y'u diwygiwyd. Byddant yn galluogi i gyfrifoldebau gael eu rhannu'n well a mwy o hyblygrwydd i lywodraeth leol. Bydd cyfuno Rheoliadau technegol o'r fath yn rhoi dogfen gyfeirio haws ei defnyddio i awdurdodau lleol.

Gwneir y Rheoliadau hyn ar y cyd â Rheoliadau Awdurdodau Lleol (Trefniadau Amgen) (Cymru) 2007 sy'n cyflwyno diwygiadau i swyddogaethau awdurdodau lleol sy'n gweithredu trefniadau amgen.

## **Cynnig i drafod y ddwy eitem a ganlyn gyda'i gilydd, ond gan gynnal pleidlais ar wahân (15 munud)**

### **Cynnig I gymeradwyo Gorchymyn Gweithgareddau Antur (Trwyddedu) (Dynodi) 2007 o dan Reol Sefydlog 25 rhan 3**

Mae'r Gorchymyn hwn yn dynodi'r Awdurdod Gweithredol Iechyd a Diogelwch fel yr Awdurdod Trwyddedu Gweithgareddau Antur (AALA – yr awdurdod trwyddedu), gan ddirymu Gorchymyn cyfredol 1996 sy'n dynodi Tourism Quality Services (TQS) Ltd fel yr awdurdod trwyddedu. Mae'r Gorchymyn yn berthnasol i Gymru, Lloegr a'r Alban.

### **Cynnig I gymeradwyo Rheoliadau Trwyddedu Gweithgareddau Antur (Diwygio) 2007 o dan Reol Sefydlog 25 rhan 3**

Mae'r Rheoliadau hyn yn diwygio rheoliad 12(1) o Rheoliadau Trwyddedu Gweithgareddau Antur 2004 i Gymru, Lloegr a'r Alban. Byddant yn galluogi'r Awdurdod Trwyddedu Gweithgareddau Antur (AALA – yr awdurdod trwyddedu) i awdurdodi pobl sydd â chymwysterau neu brofiad addas, nad ydynt yn swyddogion nac yn gyflogeion i'r awdurdod, i ymarfer rhai swyddogaethau, gan gynnwys llofnodi trwyddedau ar ei ran.

### **Cynnig i ddirprwyo swyddogaethau o dan Ddeddf Gwahaniaethu ar sail Anabledd i Brif Weinidog Cymru (10 munud)**



## **Cynnig i gymeradwyo Rheoliadau Gwahaniaethu ar sail Anabledd (Dyletswyddau Statudol) (Awdurdodau Cyhoeddus) (Diwygio) 2007 (15 munud)**

Mae'r Rheoliadau hyn yn diwygio Rheoliadau Gwahaniaethu ar sail Anabledd (Dyletswyddau Statudol) (Awdurdodau Cyhoeddus) 2005. Maent yn ei gwneud yn ofynnol i nifer o awdurdodau cyhoeddus gyflawni rhai dyletswyddau penodol o ran cyfle cyfartal i bobl anabl. Yn arbennig, bydd yn ofynnol i'r cyrff hyn gyhoeddi Cynllun Cyfle Cyfartal i Bobl Anabl erbyn 3 Rhagfyr 2007, a fydd yn nodi sut mae'r corff yn bwriadu cyflawni ei ddyletswyddau o ran cyfle cyfartal i bobl anabl o dan adran 49A o Ddeddf Gwahaniaethu ar sail Anabledd 1995.

- **Cynnig i gymeradwyo Grant Cronfa Datblygu Rheoli Perfformiad Arolygiaeth Gwasanaethau Cymdeithasol Cymru ar gyfer 2007-08 (15 munud)**

- **Cynnig i ddirprwyo swyddogaethau o dan Orchymyn Cynulliad Cenedlaethol Cymru (Trosglwyddo Swyddogaethau) 2006 i Brif Weinidog Cymru (15 munud)**

- **Cynnig i ddirprwyo swyddogaethau o dan Reoliadau Cronfeydd Strwythurol (Cynulliad Cenedlaethol Cymru) 2006 i Brif Weinidog Cymru (15 munud)**

- **Y ddadl fer (30 munud)**

## **Dydd Mawrth 27 Chwefror 2007**

- **Cwestiynau i Brif Weinidog Cymru (45 munud)**

- **Y Datganiad Busnes (10 munud)**

- **Datganiad gan Jane Hutt, y Gweinidog â chyfrifoldeb dros Gyfle**

**Cyfartal: Ymateb Llywodraeth Cynulliad Cymru i Adolygiad y Pwyllgor  
Cyfle Cyfartal: Gwasanaethau a Ddarperir i Bobl Ifanc Anabl (30 munud)**

Trafodwyd yr Adroddiad yn ystod y Cyfarfod Llawn ar 16 Ionawr 2007.

**• Cynnig i gymeradwyo o dan Reol Sefydlog 24.25 (1 min)**

**Ø Cynnig i gymeradwyo Gorchymyn Tir Comin (Holli  
Hawliau) (Cymru) 2007**

Mae'r Gorchymyn hwn yn nodi'r eithriadau dros dro i'r gwaharddiad a orfodir gan Ddeddf Tir Comin 2006 ar holli hawliau tir comin oddi wrth y tir dan sylw.

**Ø Cynnig i gymeradwyo Rheoliadau Lliwiau mewn Bwyd  
(Diwygio) (Cymru) 2007**

Bydd y Rheoliadau hyn yn diwygio Rheoliadau Lliwiau mewn Bwyd 1995 yng Nghymru i weithredu Cyfarwyddeb y Comisiwn 2006/33/EC, sef y pedwerydd diwygiad i Gyfarwyddeb 95/45/EC, sy'n gosod meini prawf (manylebau) penodol o ran purdeb lliwiau a ddefnyddir mewn bwydydd ledled yr UE.

Nod y Gyfarwyddeb yw diwygio'r meini prawf o ran purdeb ar gyfer dau liw: Sunset Yellow FCF (E110) a Thitanium Deuocid (E 171). Mae Sunset Yellow FCF yn lliwydd y gellir ei ychwanegu at fwydydd i beri i'r bwyd newid lliw. Mae'n llifyn tar glo synthetig ac azo sy'n ddefnyddiol mewn bwydydd a epleswyd y mae'n rhaid eu cynhesu. Caiff ei ddynodi gan y rhif E, E110, a gall achosi adwaith alergol. Mae Sunset Yellow FCF weithiau'n bresennol mewn diod ffrwythau oren a diodydd meddal, marsipan, Swiss roll, jam bricyll, losin, pecynnau o gawl ac mewn pecynnau o saws. Mae Titanium Deuocid yn fwyn gwyn naturiol a gaiff ei ddynodi gan y rhif E, E171. Caiff ei ddefnyddio fwyaf fel llifyn gwyn mewn bwyd, ac mae'n bresennol mewn tabledi a chapsiwlau, caws colfran a Mozzarella, past dannedd a hefyd mewn losin, lle caiff ei ddefnyddio'n aml fel ffin rhwng gwahanol liwiau.

**Cynnig i drafod y tair eitem a ganlyn gyda'i gilydd, ond gan gynnal pleidlais ar wahân  
(30 munud)**

## • Cynnig i gymeradwyo Rheoliadau'r Dreth Gyngor (Darpariaethau Ychwanegol ar gyfer Diystyru Gostyngiad) (Diwygio) (Cymru) 2007

Wrth bennu bil treth gyngor ar gyfer annedd, cymrir yn ganiataol bod dau oedolyn neu fwy yn byw yno. Os mai un oedolyn yn unig sy'n byw yno, rhoddir gostyngiad. Ni chyfrir gweithwyr gofal penodol sy'n rhoi gofal neu gefnogaeth drwy gysylltiad â'r Goron, ag elusen neu ag awdurdod lleol wrth gyfrif nifer yr oedolion sy'n byw mewn annedd wrth benderfynu a ddylid rhoi gostyngiad. Ar hyn o bryd, ni chaiff gofalfwyr o'r fath, sy'n ennill £36 yr wythnos neu lai, eu hystyried. Bydd y Rheoliadau hyn yn cynyddu'r ffigur hwnnw i £44, yn unol â chwyddiant.

## • Cynnig i gymeradwyo Rheoliadau'r Dreth Gyngor (Gweinyddu a Gorfodi) (Diwygio) (Cymru) 2007

Bydd yr Offeryn hwn yn diwygio'r Rheoliadau presennol sy'n ymwneud â'r trothwyon ariannol perthnasol wrth bennu swm y didyniadau oddi wrth enillion wrth ddefnyddio Gorchymyn Atafaelu Enillion i adennill treth gyngor nas talwyd. Ar ôl i orchymyn dyled gael ei ddyfarnu, gall awdurdodau bilio gyfarwyddo cyflogwyr i adennill y dreth gyngor nas talwyd yn uniongyrchol o gyflog gweithiwr. Mae'r swm y dylai cyflogwyr ei ddidynnu o gyflog gweithiwr o dan Orchymyn Atafael Enillion (AEO) wedi'i bennu yn y Rheoliadau, ac mae'n dibynnu ar lefel enillion net y gweithiwr. Bydd y Rheoliadau hyn yn cynyddu lleiafswm yr enillion yn unol â'r cynnydd yn y Mynegai Cyfartalog Enillion.

## • Cynnig i gymeradwyo Gorchymyn y Dreth Gyngor (Diystyru Gostyngiad) (Diwygio) (Cymru) 2007

Wrth bennu bil treth gyngor ar gyfer annedd, cymrir yn ganiataol bod dau oedolyn neu fwy yn byw yno. Os mai un oedolyn yn unig sy'n byw yno, rhoddir gostyngiad. Ni chaiff prentisiaid eu hystyried wrth gyfrif nifer yr oedolion sy'n byw mewn cartref wrth benderfynu a ddylid rhoi gostyngiad. Ar hyn o bryd, ni chyfrir prentis sy'n ennill £160 yr wythnos neu lai, a rhaid i'r prentis fod yn ennill llai o lawer na'r hyn y byddant yn debygol o'i ennill pe bai ef/hi wedi ennill y cymhwyster dan sylw. Bydd y Gorchymyn hwn yn cynyddu'r isafswm a enillir i £195 yr wythnos, yn unol â chwyddiant, a bydd yn dileu'r gofyniad i ennill llai o lawer na'r cyflog y disgwylir i'r prentis ei ennill yn y dyfodol. Bydd hefyd yn ei gwneud yn glir y dylid cynnwys lwfansau â chyflog wrth asesu faint y mae prentis yn ei ennill.

Bydd y Gorchymyn hwn hefyd yn newid y diffiniadau o 'sefydliadau addysgol penodedig', 'addysg bellach' a 'chynorthwyrwr ieithoedd tramor' er mwyn cymhwyso'r diwygiadau a wnaed gan ddeddfwriaeth a wnaed ers Gorchymyn y

Dreth Gyngor (Diystyru Gostyngiad) 1992 (Gorchymyn 1992). Mae diwygiad pellach yn cyfeirio at Gynulliad Cenedlaethol Cymru fel y corff sy'n achredu cymwysterau yng Nghymru a'r Awdurdod Cymwysterau a Chwricwlwm sy'n achredu cymwysterau yn Lloegr.

- **Cynnig i gymeradwyo Gorchymyn Cod Ymarfer (Tai Ymddeol Preifat) (Cymru) 2007 (15 munud)**

Mae'r Gorchymyn yn cymeradwyo Cod Ymarfer y Gymdeithas Rheolwyr Tai Ymddeol (ARHM) (ac eithrio atodiadau 4-6) ar gyfer rheoli tai ymddeol preifat. Mae'r Cod yn nodi'r hyn a ystyrir yn arferion gorau o ran rheoli yn y sector tai ymddeol preifat, yn ogystal ag amlygu unrhyw ofynion deddfwriaethol y mae angen i reolwyr gydymffurfio â hwy.

Nid yw atodiadau 4 i 6 y Cod wedi'u cymeradwyo eto am nad ydynt yn berthnasol at ddibenion adran 87 o Deddf Diwygio Cyfraith Lesddaliad, Tai a Datblygu Trefol 1993.

- **Cynnig I gymeradwyo Rheoliadau Awdurdodau Lleol (Addasu Cyfrifiadau Angenrheidiol) (Cymru) 2007 (15 munud)**

Mae'r Rheoliadau hyn yn hepgor cyfeiriadau at "grant arbennig perthnasol" gan nad oes unrhyw grantiau arbennig yn cael eu diffinio fel grantiau arbennig perthnasol ar gyfer y flwyddyn ariannol honno. Mae'r Rheoliadau hyn hefyd yn ychwanegu diffiniadau o'r symiau sy'n daladwy mewn perthynas â grant cynnal refeniw ac ardrethi annomestig wedi'u hailddosbarthu yn adrannau 32, 33, 43 a 44 o Ddeddf Cyllid Llywodraeth Leol 1992. Maent hefyd yn diffinio "ariannu gwaelodol" yn adran 43 o Ddeddf 1992 ar gyfer awdurdodau'r heddlu yng Nghymru yn unig ar gyfer y flwyddyn ariannol sy'n dechrau ar 1 Ebrill 2007. Ychwanegir yr ariannu gwaelodol i sicrhau bod cynnydd cyffredinol o 3.6% mewn cyllid canolog ar gyfer Awdurdodau'r Heddlu, o'i gymharu â'r llynedd.

- **Dadl a enwebwyd gan Ddemocratiaid Rhyddfrydol Cymru (45 munud)**

-

### Dydd Mercher 28 Chwefror 2007

- **Cwestiynau Llywodraeth Leol i Sue Essex, y Gweinidog dros Gyllid, Llywodraeth Leol a Gwasanaethau Cyhoeddus (30 munud)**

- Cwestiynau i Jane Davidson, y Gweinidog dros Addysg, Dysgu Gydol Oes a Sgiliau (30 munud)

- Slot wedi'i gadw ar gyfer is-ddeddfwriaeth (30 munud)

- Cynnig i ddirprwyo swyddogaethau o dan Ddeddf Mabwysiadu a Phlant 2006 i Brif Weinidog Cymru (15 munud)

**Cynnig i ddirprwyo swyddogaethau o dan Ddeddf Hapchwarae 2005  
(15 munud)**

**Motion to approve in year changes within the APS Budget (5 munud)**

**Motion to approve in year changes within Main Expenditure Groups (10 munud)**

**Dadl am Adroddiad y Pwyllgor Iechyd a Gwasanaethau Cymdeithasol ar y Mesur Iechyd Meddwl (60 munud)**

**Y ddadl fer (30 munud)**

## Dydd Mawrth 6 Mawrth 2007

**Cwestiynau i Brif Weinidog Cymru (45 munud)**

**Y Datganiad Busnes (10 munud)**

**Cynnig I gymeradyo o dan Reol Sefydlog 24.25(1 munud)**

### **Gorchymyn Traffig Ffyrdd (Ardal Barcio a Ganiateir ac Ardal Barcio Arbennig) (Sir Gwynedd) 2007**

Bydd y Gorchymyn hwn yn galluogi Cyngor Gwynedd i orfodi cyfyngiadau parcio wedi'i ddad-droseddoli o fewn Sir Gwynedd. Byddai'n berthnasol i bob priffordd gyhoeddus ac eithrio Cefnffordd yr A55, gan gynnwys ffyrdd ymuno ac ymadael. Byddai hyn yn golygu y câi troseddau na ellid eu hardystio, fel parcio ar linellau melyn dwbl, eu gorfodi drwy gyfraith sifil yn hytrach na chyfraith droseddol. Byddai'r ddyletswydd orfodi yn cael ei throsglwyddo o Heddlu'r

Gogledd i'r Cyngor.

## **Rheoliadau Ymchwiliadau Lleol, Ymchwiliadau Cymwys a Gweithdrefnau Cymwys (Swm Dyddiol Safonol) (Cymru) 2007**

Mae'r Rheoliadau hyn yn rhagnodi:

cynnydd yn y swm dyddiol safonol a godir gan yr Arolygiaeth Gynllunio ar awdurdodau lleol am y gwasanaethau a ddarperir gan Arolygwyr Cynllunio wrth gynnal ymchwiliadau cyhoeddus i faterion amrywiol lle mae'r awdurdod lleol yn gofyn am gydsyniad, cadarnhad ac ati gan y Cynulliad Cenedlaethol. Cynyddir y swm dyddiol £77, o £645 i £722, mewn perthynas ag ymchwiliad sy'n agor ar 1 Ebrill 2007 neu wedi hynny;

bod yr Arolygiaeth Gynllunio yn codi swm dyddiol safonol newydd ar awdurdodau lleol am y gwasanaethau a ddarperir gan Arolygwyr Cynllunio wrth gynnal Archwiliadau Annibynnol i Gynlluniau Datblygu Lleol awdurdodau cynllunio lleol. Y swm dyddiol fydd £640 mewn perthynas ag Archwiliad sy'n agor ar 1 Ebrill 2007 neu wedi hynny.

Mae'r Rheoliadau hyn hefyd yn cadw'r swm dyddiol safonol cyfredol, sef £679, ar gyfer Ymchwiliadau Cynlluniau Datblygu Unedol ac yn gwneud darpariaeth ar gyfer ymchwiliadau o ran Parthau Cynllunio Symlach ac ystyriaeth i wrthwynebiadau.

Mae'r Rheoliadau hyn hefyd yn dirymu'r darpariaethau sy'n ymwneud â symiau dyddiol safonol, yn Rheoliadau Ffioedd Ymchwiliadau (Swm Dyddiol Safonol) (Cymru) 2002 a Rheoliadau Cynllunio Gwlad a Thref (Costau Ymchwiliadau etc.) (Swm Dyddiol Safonol) (Cymru) 2005.

## **Cynnig I gymeradwyo Rheoliadau Plant (Perfformiadau) (Diwygio) (Cymru) 2007 (15 munud)**

Mae'r Rheoliadau hyn yn diwygio Rheoliadau Plant (Perfformiadau) 1968 mewn perthynas â phlant 9 oed a throsodd er mwyn gwneud y rheolau sy'n llywodraethu perfformiadau gan blant yn llai cyfyngol. Maent yn diddymu'r cyfyngiadau ar nifer y perfformiadau y gall plentyn gymryd rhan ynddynt mewn blwyddyn; yn newid yr oedran y mae'n rhaid i blant ei gyrraedd cyn y gallant

weithio; ac yn ymestyn yr amserau a'r oriau y gallant weithio neu fod ar gael ar gyfer perfformiadau.

Mae'r Rheoliadau hefyd yn ei gwneud yn ofynnol i'r awdurdod trwyddedu gael adroddiad gan bennaeth ysgol y plentyn ac i fetronau (hebryngwyr) ymgymryd â hyfforddiant ar ddiogelu plant.

### **Cynnig I gymeradwyo The Children And Adoption Act 2006 (Commencement No. 1) (Wales) Order 2007 (15 munud )**

This Order brings into force section 13 of The Children and Adoption Act 2006 and gives the Assembly the power to charge a fee to adopters for services provided in respect of Intercountry Adoption. There are currently no plans to charge adopters for the provision of services for Intercountry Adoption. However, this depends on whether the number of cases that arise annually remains static. Currently there are approximately 10 cases per year, but this may increase, meaning that the power to charge a fee will be exercised.

### **Slot wedi'i gadw ar gyfer is-ddeddfwriaeth (45 munud)**

### **Dadl wedi'i henwebu gan Blaid Cymru (45 munud)**

### **Dadl ar brosiect craffu'r Pwyllgor Llywodraeth Leol a Gwasanaethau Cyhoeddus: Trefniadau Etholiadol yng Nghymru (60 munud)**

## **Dydd Mercher 7 Mawrth 2007**

### **Cwestiynau i Edwina Hart, y Gweinidog dros Gyfiawnder Cymdeithasol ac Adfywio (30 munud)**

### **Cwestiynau i Andrew Davies, y Gweinidog dros Fenter, Arloesi a Rhwydweithiau (30 munud)**

### **Cwestiynau i Jane Hutt, y Trefnydd, yn unol â Rheol Sefydlog 6.28 ac yn ôl yr hyn a nodwyd ar y rhestr o gyfrifoldebau'r Gweinidogion (30 munud)**

- **Debate on Public Services  
Employment in Wales (60 munud )**

- **Dadl fer a ohiriwyd o 17 Ionawr 2007 (30 munud)**

**NDM3398 Sandy Mewies (Delyn): "O Geiniog i Geiniog" – Pam fod llythrennedd ariannol yn bwysig.**

- **Y ddadl fer (30 munud)**